

15 Mei 2012

Dadah bernilai RM43j dirampas



NOOR Rashid Ibrahim (kiri) dan Ketua Bahagian Jabatan Siasatan Narkotik Klang Utara, Asisten Supritendan Som Chai (kanan) menunjukkan dadah yang dirampas pada sidang akhbar di Bukit Aman, semalam.

KUALA LUMPUR 14 Mei - Menyedari dadah jenis sintetik mendapat permintaan tinggi di pasaran, satu sindiket dadah antarabangsa didalangi seorang lelaki tempatan sanggup menjemput tiga lelaki warga Taiwan yang pakar mengendalikan mesin memproses pil Eramin 5 masuk ke negara ini untuk membuka makmal memproses dadah tersebut.

Kerjasama antara sindiket dari dua negara itu ternyata menguntungkan apabila makmal yang mereka dirikan di Lembah Klang dan Pulau Pinang mampu menghasilkan pil Eramin 5 dalam jumlah yang banyak.

Namun, kecekapan Polis Diraja Malaysia (PDRM) berjaya membongkar kegiatan haram sindiket itu sehingga membawa kepada penangkapan 25 ahli kumpulan penjenayah tersebut dalam 15 serbuan serentak di sekitar ibu negara; Klang, Selangor dan Pulau Pinang kelmarin.